

Date – 31/07/2025

Time - 7:30 -7:40Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Mizoram Assembly session chu thla thar Aug ni 27 a thutkhawm tura koh a ni.
2. Lunglei District Legal Services Authority buatsaih nimina Lok Adalat ah court la thlenpui loh thubuai hrang hrang 19 chinfel a ni.
3. Lok sabha chuan Manipura President's Rule thla ruk dang atana puan chhonzawmna resolution a pawm
4. Union Home Minister Amit Shaha chuan Narendra Modia sawrkar hnuaiah Jammu and Kashmir-ah firfiaka chetna tihbo vek anih tur thu a sawi.

<><><>

SESSION SUMMON

Mizoram Legislative Assembly pakua na thutkhawm vawi 5-na chu thla thar Aug ni 27 ah an thukhawm dawn.

Session kohna hi nimin khan Larsap General (Rtd) Vijay Kumar Singh chuan tichhuakin n Assembly thutkhawm hi August ni 27 zing dar 10:30 ah tan a ni dawn a, Assembly neih hun chhung leh Session chhunga tih tur hrang hrang hi Business Advisory Committee in a la rel ang.

(CORR)

<><><>

CM

Chief Minister Pu Lalduhoma hovin CM Conference Hall-ah Japan International Cooperation Agency (JICA) sum hmanga sak tur Mizoram State Super Specialty Cancer & Research Centre chungchang nimin khan sawiho a ni.

A sakna tur sum hi JICA loan beisei niin, cheng vbc 700 senga din tum a ni a, chung zinga cheng vbc 560 chu loan puk tur a ni. DPR hi Public Health Foundation India ten an siam a, kum 2023 February thlaah khan Loan Agreement hi Government of India leh JICA lam ten an ziaak a. Loan interest rate hi zaa 1.5 a ni a, kum 2033 atanga rulh tan tur a ni ang.

Meeting hian hnathawktu tur company tha leh rintlak ngei thlan chhuah a nih theih nan hmalak zui dan tur a ruahman a. A bawhzui tura ruatten a ranglamin meeting an ko leh ang.

(DIPR)

<><><>

NE OIL TANKERS STRIKE

Mizoram chak lakluhna kawngpui ber a chhiat avangin Northeast Petroleum Mazdoor Union chuan naktuk atangin Mizorama oil phurhlulh chawlhsan rih an tum.

Northeast Petroleum Mazdoor Union General Secretary Ramen Das an IOC Chief General Manager hnena lehkha a thawn ah he thu hi a tarlang a, Mizoram Oil Tanker Driver Association te chuan July ni 19-a Mizoram kawng a chhiat nasat avanga nawrh an huaihawt hnua pawh Mizoram kawng chuan ziaawm lam a pan theih loh avangin Mizoram kawngin ziaawm lam a pan hma chu August ni 1 atangin tlan tawh loh ni se an ti tih a sawi a ni.

Kan corr report lo ngaithla ang.

VC : Mizoram Oil Tanker Driver's Association chuan phai lam atanga tuialhthei an lakna ten load an pek loh chuan oil phurh tur an nei theih tawh dawn bik lo tih an sawi a, Mizoram Oil Tanker Driver's Association President Pu Romel Lalruatdika chuan kawngchhiat hnua lirthei tlan tan theih, kar kalta Zirtawpni tlai atang khan Mizorama oil phur tura Oil pechhuaktu company ten challan an pekchhuah tam loh avangin Mizoram mipuite tuialhthei mamawh a phuhru pha lo a ti a ni. Thudawn danin, Indian Oil Corporation Ltd (IOCL) phur lirthei challan 170 siam a ni tawh a, Bharat Petroleum Corporation Ltd (BPCL) leh Hindustan Petroleum Corporation Limited (HPCL) motor 30 a awm tawh bawk a ni.

Hetihlai hian Mizoram Merchant Association Gen Hqr chuan Mizoram chak lakna kawngpui a chhiat avang hian harsatna namenlo an tawk a, an mangang takzet tih thuchhuah siamin an sawi a, Sumdawngte bungrua hrang hrang thla 2/1 kawng lakah tangkhangte pawh a awm tawha, thenkhatte bungrua phei chu a chhia a, a then chu Guwahati Transporters Godown lamah pawh phurh let a ni bawk an ti a. Iron and Cement a thlen theih loh avangin, Insa lak lawhte an chawl a. Motor kal man cheng sing 4 sing 5 in in a to a, a mangan thlak tak zet a n an ti.

Hetihlai hian sumdawng ten GST pek a ngaia, Dawr luahman leh an mi chhawrte leh an chhungkaw ei leh in ngaihtuah a ngaih avangin kawng hi a chak thei ang bera siam turin Mizoram Sorkar leh NHIDCL te an ngen tih an sawi a ni.

ZPM Party thuchhuah tarlan danin, Aizawl –Silchar National Highway khawchhe lai thawm that hna thawh mek hi Dy Speaker Pu Lalfamkima, MLA Pu TBC Lalvenchhunga leh Lt. Col. Clement Lalhmingthanga ten nimin khan a hmunah an tlawh a. Police duty te dah niin PWD Highway CE leh SE leh official dang te pawhin a hmun ah riah chilhin siamthat hna an thawk mek zel a ni.

Mizoram buangrua mamawh phur hrang hrang nitin za tel chhuah a nih thu an sawi a, nimin khan Aizawl atangin lirthei 232 chhuah a ni a, tuialhthei leh eirawngbawlna gas phur lirthei telin lirthei 122 Aizawl lam pantir an ni bawk a ni.

Corr: Maremi

<><><>

LOK ADALAT

National Legal Services Authority-in rampuma Lok Adalat hman tura a tih angin nimin khan Lunglei District Legal Services Authority buatsaihin District Court Building ah Lok Adalat neih a ni a. Lunglei District chhunga court la thlenpui loh thubuai hrang hrang 49 ngaihtuah a ni.

Lok Adalat-a thubuai ngaihtuah tur hian Bench pakhat din a ni a, he Bench hi Pi.Lalthansiami Hnamte Civil Judge, Senior Division - II leh Secretary, DLSA ni bawkin a kaihruaia. Thubuai theh luh case 46 atang hian cases 19 sawirempui niin, tihfel a ni.

Thubuai ngaihtuahah hian leiba inthinna tam berin, cheng vbc 8 nuai 22 sing 6 & 9,526/- chinfel a ni.

Lok Adalat-ah hian thubuai neitute duhdan angin inremna ziahpui thin a ni a. Sum sen ngai loin, thubuai hi chinfel sak thin a ni.

(Thanghmingliana Lunglei PTC)

<><><>

INTNL YEAR OF COOPERATIVES

Registrar, Cooperative Society buatsaihin International Year of Cooperatives - 2025 hnuaia hmalakna peng pakhat ‘Thisen Pek Runpui’ chu nimin khan khan Aizawl RCS Office ah neih a ni a, he hun hi Cooperation Minister Pu P.C. Vanlalruatan a hmanpui a ni.

Minisiter Pu P.C. Vanlalruata chuan khawvel nuam zawk leh boruak tha zawk siama, midangte tana luanchhuah chu Co-operative thil tum pawimawh tak a nih thu sawiin UNO pawhin a ngaih pawimawh avangin kum 2025 pawh International Year of Cooperatives (IYC) tia a puan hial thu a sawi a. Thisen pek pawimawhzia sawiin ‘thisen chu mihring nunna bul leh midangte nena inkungkaihna thuk tak lantirtu a ni’ a ti a. ‘Thisen pek chu IYC thil tum nen pawh thil inhmeh tak niin mite tana malsawmna nih theihna leh mi tam tak nun chhan theihna a nih avangin thil intihhmuh chi tak a ni’ a ti bawk.

Thisen pek runpuiah hian, Cooperation Department leh a hnuaia Society hrang hrang atangin thisen pe tura inpe mi 83 an awm a ni.

(Corr)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Wawiin chawhnu dar 2 leh a chanve-ah Chanchinthar puan leh a ni ang.

<><><>

MANIPUR

Lok sabha chuan Manipura President's Rule thla ruk dang atana puan chhunzawmna resolution a pawm. August ni 13 atangin Presidents rule hi hman chhunzawm leh tur a ni a. Union Minister of State for Home Affairs Nityanand Rai chuan he resolution hi house ah putlutin February ni 13 2025 atanga hman tawh Presidents rule chu pawhsei a rawt a ni.

Zawhna chhangin Union Minister of State chuan Manipura remna leh muanna a awm theih nan Presidents Rule hi puan a la tul tih a sawi a. Presidents rule puan chhungin tharum thawhna tum khat chiah thlengin mi pakhatin a thih phah a ti a. Thla li kalta chhungin buaina thleng avanga thi an awm lo tih a sawi a ni.

(Nwsonair)

<><><>

UNION HOME MINISTER

Union Home Minister Amit Shaha chuan Narendra Modia sawrkar hnuaiah Jammu and Kashmir-ah firfiaka chetna tihbo vek anih tur thu a sawi. Nimina Operation Sindoor chungchang Rajya Sabha-a sawihonaah he thu hi sawiin Pu Shaha chuan firfiakte lakah na takin hmalak a ni dawn tih sawiin firfiakte hmunhma zawng zawng pawh nuai chimih vek a ni ang a ti bawk.

(Newsonair)

<><><>

ISRO & NASA

ISRO leh NASA te thawhdunna hnuaiah NISAR earth obeservation satellite phur GSLV rocket chu nimin khan hlawhtling takin kahchhuah a ni. NISAR hi US leh Indiaten an siam a ni a. ISRO sawidanin GSLV hian khawvel a helna tura ruahmannaah a han dah thei a ni.

(Newsonair)

<><><>